

MOKGWA WOOLERIBIŠI LE HWEDITŠEGO MODUMO WA LONA

Mongwadi ke Tracy-Lee Easthorpe
Mothadi wa diswantšho ke Ndumiso Nyoni

Puku ya Bobedi



ethnikids
made for me

DINTLHA TSA PHASALATSO

Buka e e tlhagisitswe ke Ethnikids Publishers ka 2020 ba e tlhagisetsa Wimpy.

Tetla ya mokwalo Tracy-Lee Easthorpe 2020

Tetla ya ditshwantsho Ndumiso Nyoni 2020

Bangwalwa sa Sepedi: Beauty Boroto le Mmaphefo Thwala

Ditshiamelo tsotlhe di sireleditswe. Ga o a letlelelwa go boeletsa kgotsa wa gasa karolo ya kgatiso e ka mokgwa o o rileng ntle le tumelano e e kwadilweng ya Wimpy.

Ethnikids Publishers ke karolo ya Ethnikids (Pty) Ltd.


www.ethnikids.co.za



Kgale-kgale ge maribiši a tsoma nageng letšatši
ka letšatši a be a tšhabiswa ke batho nageng ka
bophara. Ka nako ye, motho a ka re maribiši
a be sa dire modumo.

Kua motseng wa nageng ya Afrika, magotlo a be a eja
dijo tše ka moka. Bothata bjo bo ile bja thoma go gakala.
Motse wa thoma go lwala le go nyama maikutlo.

Badudi ba motse ba thoma go rapela Memoya-ya sethokgwa.
Thapelo e tee ye nyane ile ya kwewa magareng ga dithapelo ka
moka. Thapelo ya mošemane wa go makatša mo motseng woo.
Thapelo ya ngwana wa molemi ya ba ya pitšo ye kgolo.



Mošimane yo o be a makatša, leina la gagwe e be ele Hoo.
Memoya-ya sethokgwa e be e tletše ka gare ga bophelo bja gagwe.
Memoya e be e tseba seo e swanetšego go se dira.
Ba romela leribiši la go nyakišiša.



Maribiši a ile a kitimela ka gare ka lebelo la lephefo,
mosegare seetšeng.
Go tsoma magotlo bjalo ka dijo tša wona.
Maribiši ao a bego a sokollela dihlogo tša ona mathoko o hle,
a ile a tšhoša maikutlo a badudi ba motse.



Batho ba ile ba gopola gore ba rogakilwe.
Ba itokišetša go tšwa lesolo la go tsoma nonyana ye nngwe le ye nngwe
Bothatha bja golela godimo le go feta.
Batho ba kwa o ka re dithapelo tša bona ga di kwewe.

Maribiši a tloga, efela magotlo a šala.
Batho ba nagana o ka re ba fentšwe.
Ka moragonyana, ka lešokeng, moo Hoo a bego a bapala gona
O ile a timela gomme mosegare wa fetoga bošego.



Ka gare ga mehlare moo maribiši a robetšego
Hoo o ile a ikhwetša a le tee.
A khudupane bjale ka kgwele a lla.
A lemoga gore o be a se noši.



Hoo o ile a lebelela godimo ka gare ga mehlareng.
Moo maribiši a bego a lebeletše fase go yena.
Seo a bego a se bona e be e le Leribiši le legolo
Leo le mo dirilego gore a ikwe a tšhošitšwe ga šoro.



Lebiriši le legolo la bula molomo wa lona
la thoma go bolela.
Ka lentšu la Memoya-ya sethokgwa.

Lentšu la re, “Hoo! Re hloka thušo ya gago lehono!
Theeletša mantšu ao re tlo go a bolela gore o tloše
magotlo go ya go ile.”

Re kwele ra araba dithapelo tša gago ka moka.
Ka go romela maribiši a go wena
Ga re rate dikeledi tša motse wa gago
Gomme se ke seo o swanetšego go se dira.

Eya go Bagolo o kgopele kopano le bona
Gape hle Hoo, o iše madume a rena
Ba botše gore batho ba bona ga ba swanela go ba le letšhogo.
O ba tsebiše gore, ke ka baka la eng maribiši a swanetše go ba gona mo Motseng.



Hoo o be a sa hlwe a ena le letšhogo.
O ile a ikwa a na le khutšo le boiketlo.
Memoya ya mo laetša gore e mo hlokometše
le gore maribiši a be a sa ikemišetša go mo kweša bohloko.

Maribiši a ile a mo hlhla a molaetša tsela
ya go boela ngwakwaneng wa gagwe a bolokegile.
O ile a ya go Bagolo ka letšatši le le latelago.
A ikwa a na le tshepo ka gare go yena.




Hoo a botša Bagolo seo se diragetšego
Ba nagana gore o a gafa
A ba botša ka Memoya yeo e boletšego e le ka gare ga nonyana
Ba seke ba kgolwa le lentšu le tee leo a le boletšego.

“O swanetše go ba o nale bolwetši bja mogotlo wena ngwana wa modidi,”
yo mongwe wa Bagolo a bolela ka tsela yeo go Hoo.
“Kanegelo ye o re botšago yona ke ya bogaswi le bophoofolo.
Sepela o yo khutša, o swanetše o swerwe ke letadi le wena.”



Hoo a boela morago go Leribiši le legolo la Memoya,
Go le botša ka ga kopano ya gagwe.
Ka nako yeo ge a be a le kgauswi, o be a se na letšhogo.
Efela, ba kopone ka ditumedišo tša lethabo.




Leribiši la Moya le Hoo ba gopodišiša,
ka seo ba swanetšego go se dira ka dinako tše di tlogo.
Maribiši ga se a hlwa a iphihla,
A be a nyaka dijo tša ona le ona.

Ba dumelelane gore maribiši a tla tsoma bošego feela.
Hoo o tla goeletša a le ntlheng ya mmoto
Ge badudi ba motse ba timile dietša tša mello ya bona tša mafelelo.
Gape go robetšwe go homotšwe.



HOO!
HOO!



Bošegong bjoo ge motse o robetše go homotšwe.
Hoo a khukhuna a tšwela ntle go sa tsebe motho
A namela godimo ga mmoto
A goeletša leina la gagwe, “HOOO!... HOOO!”

Hoo le maribiši ba tšwela pele ka tsela ye
Go šomišana mmogo mašego ka go latelana
Ba dirile se go fihlela ge ka tšatši le lengwe
Go sa hlwe go ena le magotlo ao a bonwago!

Maribiši a kitimela go selaganya motse ge a ekwa kgoeletšo ya gagwe
A swara magotlo go tlo ba dijo tša ona ka moka
Le lengwe le lengwe le fela pelo go tlatša mpa ya lona



Dibjalo le batho ba thoma go gola gabotse
Dilo ka moka di be di lokile go swana le pula.
Motse wa thoma go šoma go swana le legae la di nosi.
Gomme Hoo a ya go bona Bagolo gape.

Hoo a botša Bogolo seo se diragetšego
Le ka moo Leribiši la Moya le bilego mogwera wa gagwe ka gona
Ka nako ye, Bagolo ba ile ba kgolwa lentšu le lengwe le le lengwe
Go gobatšwa ga Maribiši gwa fihla mafelelong.



Ge HOO a gola, a tswela-pele go etela Leribiši le legolo la Moya.
Ka mehla ge a timela la mmontšha tsela.
Go fihlela a eba Mogolo yo bohlale ka letšatši le lengwe.



HOO!
HOO!



Le lehono, Leribiši le tsoma bošego,
gomme le bonwa e le nonyana ya bohlale ya kgale.
Ge moya wa HOO o feta lefaseng modumo o kwagala gabotse e le wa nnete.
Maribiši a bitša leina la gagwe le gore a a kwewa...
“HOOO! HOOO! HOOO! HOOO!”



MAFELELO

